



Газета 1966 йил  
1 июлдан  
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 245 (13.842)

Баҳоси эркин нарҳда

## Ўзбекистон Республикаси Президентининг ФАРМОНИ

### ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИНИНГ БАЙРОҒИ ВА ЭМБЛЕМАСИ НАМУНАЛАРИНИ ТАСДИҚЛАШ ТЎҒРИСИДА

Ички ишлар органлари бирдамлигини, ходимларни Ватанга садоқат руҳида тарбиялаш, улар томонидан "Халқ манфаатларига хизмат қилиш" хизмат бурчи сўзсиз бажарилишини таъминлаш, шунингдек, Ўзбекистон Республикаси Президентининг "Ички ишлар органлари фаолиятини янада такомиллаштиришга доир ташкилий чора-тадбирлар тўғрисида" 2017 йил 12 апрелдаги ПҚ-2883-сонли қарорига мувофиқ:

1. Ўзбекистон Республикаси Ички ишлар вазирлигининг байроғи ва эмблемаси намуналари 1 ва 2-иловаларга мувофиқ тасдиқлансин.
2. Белгилансинки, байроқ ва эмблемани тайёрлаш, фойдаланиш ва сақлаш тартиби Ўзбекистон Республикаси ички ишлар вазири томонидан тасдиқланади.
3. Мазкур Фармоннинг ижросини назорат қилиш Ўзбекистон Республикаси Президенти Админист-

рацияси раҳбари З.Ш.Низомиддинов ва Ўзбекистон Республикаси Президенти маслаҳатчисининг биринчи ўринбосари Б.М.Мавлонов зиммасига юклансин.

**Ўзбекистон Республикаси Президенти Ш.МИРЗИЁЕВ**  
Тошкент шаҳри,  
2018 йил 24 декабрь



- Марказий ҳарбий округнинг "Фориш" тоғ-дала ўқув майдонида Ўзбекистон Республикаси Мудофаа вазирлиги томонидан илк бор мuddатли ҳарбий хизматчи оддий аскарлар ўртасида "Илгор мутахассис" кўрик-танлови бўлиб ўтди. Кўрик-танловда барча ҳарбий округлардан ҳарбий хизматчилар иштирок этди. Иштирокчилар тегишли номинациялар учун назарий ва амалий синовлардан ўтишди.
- Бухоро вилояти Вобкент туманида янги йил байрами арафасида "Файрат Чодак" масъулияти чекланган жамиятининг замонавий тикувчилик корхонаси иш бошлади. Турли операцияларни бажара оладиган ва ишни конвейер асосида ташкил этиш имконини берадиган 500 дан зиёд тикув машинаси ҳамда бошқа тегишли дастгоҳлар билан жиҳозланган корхона йилига 1 миллион 500 минг донагача жинси шимлар ишлаб чиқариш қувватига эга.

Ўзбекистон Республикаси Президентининг  
2018 йил 24 декабрдаги ПФ-5602-сонли Фармони  
1-илова

### Ўзбекистон Республикаси Ички ишлар вазирлигининг байроғи ТАВСИФИ



Ўзбекистон Республикаси Ички ишлар вазирлиги байроғи (кейинги ўринларда – байроқ) тўқ кулранг – тўғрибурчакли матодир. Байроқнинг олд ва орқа томонлари марказида геральдик белги – Ўзбекистон Республикаси Ички ишлар вазирлиги эмблемаси тасвир-

ланган. Эмблема диаметри 98 сантиметрли айлана ичига чизилган. Байроқнинг узунлиги 250 сантиметрга, кенлиги 125 сантиметрга тенг. Байроқ бошқа ўлчамларда ҳам бўлиши мумкин, бироқ барча ҳолатларда байроқнинг кенлиги ва узунлиги 1:2 нисбатда бўлиши шарт.

### Ўзбекистон Республикаси Ички ишлар вазирлигининг геральдик белгиси – эмблемаси ТАВСИФИ



Ўзбекистон Республикаси Ички ишлар вазирлиги геральдик белгиси – эмблемаси четлари бронза рангда хошиланган ҳалқали тўқ қумуш айлана кўринишига эга. Ички чизик марказида ҳаётлий кучни ифодаловчи қизил рангли йўл-йўл чизик туширилган.

Ҳалқали чизикнинг тепа қисмида бронза рангли тўғри босма ҳарфларда лотин алифбосида "O'ZBEKISTON RESPUBLIKASI", пастки қисмида "ICHKI ISHLAR VAZIRLIGI" сўзлари ёзилган. Ёзувлар қатъият, матонат ва шон-шарафни ифодаловчи иккита саккиз қиррали юлдуз билан бир-биридан ажратилган. Айлана ўртасида Амир Темур кўшинлари томонидан фойдаланилган ҳамда ички ва ташқи таҳдидлардан ҳимояни ифодаловчи доирасимон қалқон тасвирланган. Қалқон марказида доира ичига чизилган ўнгга айланишни акс эттирувчи октограмма бўлиб, у тартиб, мувозанат ва камолотга етишишни англатади. Қалқон четлари миллий орнамент билан безатилган. Қалқон ортида – тиги пастрга қартилган ва диагональ тарзда кесишган икки шамшир – куч ва ҳимоя-

нинг қадимий рамзи жойлашган. Шамширларнинг дастаси Ўзбекистон Республикаси ички ишлар органлари фаолиятининг асосий принциплари – қонунийлик, ягоналик, фуқароларнинг ҳуқуқлари, эркинликлари ва қонуний манфаатларига риоя этиш ҳамда хурмат қилиш, очиқлик ва шаффофликни ифодаловчи тўртта хошиядан иборат. Қалқон хошияси графит кулранг, шамширлар қумушрангда. Қалқон ва шамширлар ортида тилла рангда ишланган, қанотлари ёйилган, омад ва бахт рамзи бўлган Хумо қуши тасвирланган. Бундай жойлашув мамлакатда тинчлик ва осойишталик ҳимояланганлигини, ички ишлар органлари халқ манфаатларига хизмат қилишини ифода-лайди. Геральдик белги бир рангли (силуэт) тасвирда бажарилиши мумкин.

### ЎЗБЕКИСТОН – ҲИНДИСТОН: ҲАМКОРЛИҚДА КАДРЛАР ТАЙЁРЛАНАДИ

Ўзбекистон Савдо-саноат палатасида  
Ўзбекистон – Ҳиндистон  
тадбиркорликни ривожлантириш  
марказининг очилишига бағишланган  
тадбир бўлиб ўтди.

Унда Ўзбекистон савдо-саноат палатаси раиси Адхам Икромов, Ҳиндистон тадбиркорликни ривожлантириш институти директори Сунил Шукла, Ҳиндистоннинг мамлакатимиздаги Факултетида ва муҳтор элчиси Винод Кумар, шунингдек, ишбилармон доира вакиллари иштирок этди. Таъкидланганидек, Ўзбекистон билан Ҳиндистон ўртасидаги ўзаро ишонч руҳидаги манфаатли ҳамкорлик барча соҳаларда изчил ривожланмоқда. Президент Шавкат Мирзиёевнинг Ҳиндистонга давлат ташрифи чоғида имзоланган келишувлар мамлакатларимиз ўртасидаги ҳамкорликнинг янги – тарихий босқичини бошлаб берди. Ўзбекистонда Ҳиндистон тадбиркорликни ривожлантириш институти марказини ташкил этиш бўйича эришилган битим юртимизда корпоратив бошқарув тизимини такомиллаштириш, бу борадаги илгор халқаро моделлар ва стандартларни жорий этишда инсон капитали иштирокини рағбатлантиришга қаратилган.

Ҳиндистон тадбиркорликни ривожлантириш марказини молиялаштириш учун Ҳиндистон ҳукуматининг 800 минг АҚШ долларидан зиёд маблағи йўналтирилган. Ушбу марказ мамлакатимизда тадбиркорлик соҳасида кадрларни қайта тайёрлаш ва малакасини оширишда замонавий ёндашувлар ҳамда илм-фан ютуқларини ишлаб чиқаришга жорий этишга қўмақлашади. Шунингдек, саноат ва тадбиркорлик субъектларининг иш самарадорлигига хизмат қиладиган илмий ишланмаларни яратишни қўллаб-қувватлаш, тадқиқот натижаларини таҳлил қилиш орқали бизнес доира вакиллари учун зарур тавсиялар ишлаб чиқади. Дунёнинг беш мамлакатида ўз марказларига эга институтимизда тадбиркорликни тараққий эттириш бўйича илгор тажриба тўплаган, – деди Ҳиндистон тадбиркорликни ривожлантириш институти факультети декани Санжай Пал. – Ўзбекистон минтақасида кулай географик жойлашувга, бой табиий ресурслар ва энг муҳими, ушбу имкониятлардан самарали фойдаланишга имкон берадиган инсон капиталига эга. Ўзбекистон – Ҳиндистон тадбиркорликни ривожлантириш маркази орқали ишбилармонларга бизнес юритиш ва уни ташкил этишдаги инновацион ёндашувлар бўйича услубий ва амалий қўмақ берилади. Марказ замонавий ахборот-коммуникация технологиялари билан жиҳозланган. У ерда маҳаллий, шунингдек, Ҳиндистон ва бошқа хорижий давлатлар компаниялари тадбиркорлари учун тажриба алмашиш дастурлари ва амалиётлари ташкил этилади. Рақобатбардош иқтисодиётда бизнес раҳбарларини тайёрлаш учун конференциялар, давра суҳбатлари ва семинарлар ўтказилади. Айна пайтда марказ фаолиятига маҳаллий кадрларни жалб қилиш мақсадида Тошкент давлат иқтисодиёт университети, Тошкент молия институти, Фарғона ва Гулистон давлат университетлари, Гулистон санъат коллежининг 16 нафар профессор-ўқитувчиларининг Ҳиндистонга малака ошириш курслари ташкил этилди.

Улугбек ШОНАЗАРОВ,  
ЎЗА муҳбири



### ИЖОД, ИҚТИДОР ВА ЛАТОФАТ НАМОЙИШИ

Тадбирда мамлакатимизнинг академик ва қаҳрамон аёллари, давлат ва жамият бошқаруви, илм-фан, саноат, иқтисод, таълим-тарбия ва соғлиқни сақлаш соҳаларида хизмат қиладиган хотин-қизлар, шунингдек, тадбиркорлар, илгор фермерлар, маҳалла мутахассислари ва нуруний онахонлар иштирок этди. Танловдан кўзланган асосий мақсад мамлакатимиз хотин-қизларининг оила ва жамиятдаги фаоллигини таъминлаш, уларнинг иқтидор ва имкониятларини намоён этиш орқали илгор ҳаёт ва иш тажрибасини оммалаштиришга қаратилгандир. Бу йилги танловнинг худудий босқичларида 1286 нафар хотин-қиз иштирок этган бўлса, улардан 140 нафари мамлакат босқичига йўланма олди. Танловнинг мамлакат босқичида ғолиб бўлган 16 нафар иштирокчи "Йилнинг энг ватанпарвар аёли", "Йилнинг энг фаол оlima аёли", "Йилнинг энг илгор тадбиркор аёли", "Йилнинг энг яхши ижодкор аёли", "Ўз касбининг устаси бўлган йил аёли", "Йилнинг энг кучли маънавий-маърифий тарғиботчиси", "Йилнинг энг фидойи шифокор аёли", "Йилнинг энг жонқуяр устаси", "Йилнинг энг фаол соғлом турмуш тарзи ташкилотчиси", "Йилнинг энг янги гоғалар ташаббускори" каби номинациялар бўйича тақдирланди.

(Давоми 2-бетда)

### ЎЗБЕКИСТОН КАСАБА УЮШМАЛАРИ ФЕДЕРАЦИЯСИ КАСАБА УЮШМАЛАРИ УМУМКОНФЕДЕРАЦИЯСИ АЪЗОСИ БЎЛДИ

Тошкентдаги "International" меҳмонхонасида Касаба уюшмалари Умумконфедерацияси ижроия қўмитасининг сайёр йиғилиши бўлиб ўтди.

Йиғилишда Ўзбекистон Касаба уюшмалари федерацияси раҳбарияти ва масъул ходимлари, тармоқ касаба уюшмалари Республика кенгашлари ва худудий касаба уюшмалари ташкилотлари бирлашмалари раҳбарлари, шунингдек, Касаба уюшмалари Умумконфедерацияси ижроия қўмитаси раҳбарлари ва аъзолари, Арманистон, Беларус, Озарбайжон, Тожикистон, Қирғизистон каби давлатларнинг касаба уюшмалари раҳбарлари иштирок этди. Ўзбекистон Касаба уюшмалари федерацияси раи-

си Қудратилла Рафиқов, Касаба уюшмалари Умумконфедерацияси президенти Михаил Шмаков, Касаба уюшмалари Умумконфедерацияси вице-президенти, МДХ ўрмон хўжалиги тармоқлари халқаро касаба уюшмалари федерацияси раиси Виктор Карношин ва бошқалар касаба уюшмалари фаолиятида халқаро ҳамкорликни янада мустаҳкамлаш инсон ҳуқуқ ва манфаатларининг муҳим омилли эканини таъкидлади.

(Давоми 2-бетда)



- Индонезияда Анакиракатау вулканининг отилиши натижасида Зонд кўрфазига киргокларида рўй берган кучли цунами тўфайли сўнги маълумотларга кўра, 370 киши ҳалок бўлди, 600 дан ортиқ одам жароҳатланди, 100 дан ошиқ аҳоли бедарак йўқолди. Кўплаб бино ва турар жойлар вайрон бўлди. Ҳозирда уй-жойлари бузилган 12 минг киши тоғ тепасидаги вақтинчалик лагерларга жойлаштирилди. Цунамининг қайтарилиши хавфи келгуси душанбагача мавжуд бўлади.
- Японияда 1999 йилда хризантема тахтига ўтирган мамлакат императори Акихитонинг кутлуғ 85 ёшга тўлганлиги муносабати билан уюштирилган маросимда 75 минг киши иштирок этди.
- Дастурий таъминот ишлаб чиқарувчи Microsoft Corp компаниясининг капиталлашуви сўнги савдолар пайтида АҚШ ва дунёнинг энг қимматбаҳо компанияси бўлмиш Арренининг бозор қийматидан ошиб кетди. Савдолар натижасига кўра Microsoft Corp акциялари 2,4 фоизга қимматлашган, бу орада Арреники 0,5 фоизга арзонлашган. Таъкидлаш жоизки, бозор қиймати 1 триллион доллардан кўпроққа етган Аррле смартфонлар савдоси ўсиши секинлашиши хавотири остида 20 фоизга арзонлашиб кетди.



## “AZR TEXTILE GROUP” МАСЪУЛИЯТИ ЧЕКЛАНГАН ЖАМИЯТИ ЖАМОАСИ

барча юртдошларимизни  
яқинлашиб келаётган 2019 – Янги йил  
байрами билан қутлайди.  
Юртимиз тинч, осмонимиз  
мусаффо бўлсин.  
Ватанимиз гуллаб-яинасин.  
Тадбиркорлик ривожлансин.  
Олдимизга қўйилган  
барча мақсадларимизга эришайлик.  
Янги йилнингиз муборак бўлсин, азизлар!

## “GALLA ALTEG” АКЦИЯДОРЛИК ЖАМИЯТИ ЖАМОАСИ

барча ҳамюртларимизни қувончу  
шодликлар ила кириб келаётган – Янги йил  
байрами билан чин кўнгилдан қутлайди.  
Янги йилда дилингизга  
туғиб қўйган орзуларингиз амалга ошсин,  
хирмонларимиз донга, дастурхонларимиз  
ширин нонларга тўлсин.  
Эшик қоқаетган янги  
2019 йил барчангизга муборак бўлсин!

## “18-АВТОБУС САРОЙИ” МАСЪУЛИЯТИ ЧЕКЛАНГАН ЖАМИЯТИ ЖАМОАСИ

мамлакатимизнинг меҳнатсевар,  
тангли, бунёдкор аҳлини яқинлашиб  
келаётган Янги йил байрами билан чин  
қалбдан муборакбод этади.  
Элимизнинг ризқи зиёда, толеи  
баланд бўлсин, кўнглимиздаги  
энг эзгу, энг олижаноб тилакларимиз  
2019 йилда амалга ошсин.  
Юртдошларимизга  
сиҳат-саломатлик,  
оилаларига қут-барака,  
фаровонлик ва шодлик тилаймиз!

## “4-АВТОБУС САРОЙИ” МАСЪУЛИЯТИ ЧЕКЛАНГАН ЖАМИЯТИ ЖАМОАСИ

қадрли юртдошларимизни  
Янги йил байрами билан чин дилдан табриклайди.  
Азизлар, Янги йил қувончлари йил бўйи  
барчамизга ҳамроҳ бўлсин. Юртимиз тинч,  
осмонимиз мусаффо, дастурхонимиз тўкин,  
халқимиз эса янада фаровон яшасин!

